



Broj: 10/E-11-3503/25
Sarajevo, ~~19-06-2025~~ godine

Na osnovu člana 69. stav (1) tačka b) i člana 70. stav (4) Zakona o javnim nabavkama BiH („Službeni glasnik BiH“, broj 39/14, 59/22 i 50/24), člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-162/25 od 05.03.2025. godine (u daljem tekstu: Komisija I), u postupku javne nabavke radio komunikacijske i elektroničke opreme Službi za komunikacijsko-informatičku podršku Općine Centar Sarajevo, putem otvorenog postupka, uz primjenu e-aukcije (Zapisnik broj: 10/E-11-3503/25 od 17.06.2025. godine), Općinski načelnik donosi:

O D L U K U **o poništenju postupka javne nabavke**

I

Poništava se postupak javne nabavke radio komunikacijske i elektroničke opreme Službi za komunikacijsko-informatičku podršku Općine Centar Sarajevo, putem otvorenog postupka, iz razloga što primljena ponuda nije prihvatljiva.

II

Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III

Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke radio komunikacijske i elektroničke opreme Službi za komunikacijsko-informatičku podršku Općine Centar Sarajevo, pokrenut je Odlukom o pokretanju postupka javne nabavke, putem otvorenog postupka, uz primjenu e-aukcije, broj: 10/E-11-3503/25 od 16.05.2025. godine. Postupak javne nabavke nije podijeljen na LOT-ove. Procijenjena vrijednost nabavke bez uračunatog PDV-a iznosi 82.905,00 KM. Obavještenje o nabavci broj: 848-1-1-60-3-121/25 objavljeno dana 26.05.2025.godine na Portalu javnih nabavki (www.ejn.gov.ba).

Tenderskom dokumentacijom i Obavještenjem o nabavci određen je rok za prijem ponuda 17.06.2025. godine do 10:00 sati.

U krajnjem roku za predaju ponuda koji određen tenderskom dokumentacijom, na adresu ugovornog organa zaprimljena je 1 (jedna) ponuda dostavljena od ponuđača „MIBO KOMUNIKACIJE“ d.o.o. Sarajevo, što je evidentirano u Zapisniku o zaprimanju ponuda. Nije bilo neblagovremeno pristiglih ponuda.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

RB	Ponuđač	Ukupna cijena ponude bez PDV-a (KM)	Popust izražen u KM i procentu %	Ukupna cijena sa popustom i bez PDV-a
1.	MIBO KOMUNIKACIJE“ d.o.o. Sarajevo	82.900,00	-	82.900,00

Nakon izvršenog javnog otvaranja ponuda, na zatvorenom sastanku, Komisija I je ponudu ponuđača „**MIBO KOMUNIKACIJE**“ d.o.o. Sarajevo ocijenila **nepravilnom**, u smislu člana 2. stav (1) tačka l) alineja 3) Zakona o javnim nabavkama („Službeni glasnik BiH“, broj 39/14, 59/22 i 50/24).

Naime, uvidom u Obrazac za cijenu ponude (Aneks 2.) utvrđeno je sljedeće, kako slijedi:

Strana 109 ponude – SET LED RASVJETE – tenderskom dokumentacijom - Aneks 2a traženo 36W po LED traci, a ponuđač ponudio 35W po LED traci.

Strana 119 ponude – transportna torba za fotografsku opremu – tenderskom dokumentacijom – Aneks 2a traženo: Vanjske dimenzije min.35x30x62 cm, a ponuđač ponudio vanjske dimenzije min: 35x24x62 cm

U skladu sa utvrđenim, Komisija I je zaključila da je ponuda **neprihvatljiva**.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa navedenim, Komisija I je na sjednici održanoj dana 17.06.2025.godine, jednoglasno donijela odluku kojom Općinskom načelniku, rukovodiocu ugovornog organa, predlaže da na osnovu člana 69.stav (1) tačka b) i člana 70. stav (4) Zakona o javnim nabavkama („Službeni glasnik BiH“, broj 39/14, 59/22 i 50/24) donese odluku o poništenju postupka javne nabavke radio komunikacijske i elektroničke opreme Službi za komunikacijsko-informatičku podršku Općine Centar Sarajevo o čemu je sačinila Zapisnik o pregledu i ocjeni ponuda broj: 10/E-11-3503/25 od 17.06.2025. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije I, te je u skladu sa članom 70. stav (1) i (4) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri). Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-3503/25 od 17.06.2025. godine



Dostaviti:

1. Ponuđaču: "MIBO KOMUNIKACIJE" d.o.o. Sarajevo
Tvornička 3,71210 Ilidža
2. Kabinetu općinskog načelnika – Odsjek za javne nabavke
3. Službi za civilnu zaštitu
4. U spis